

დღესნუმი

გაზეთი გამოდის
1933 წლიდან

საქართველოს კომპარტიის ცენტრის რაიონული კომიტეტისა და
ცენტრის სახლხო დეპუტატთა რაიონული საბჭოს ორგანო

№116 (6342)

27 სექტემბერი

1990 წელი

ხუთშაბათი

ფასი 3 კაპიკი

საქართველოს კომპარტიის ცენტრალური კომიტეტი

როგორც ვიწყოთ, გა-
იმართა საქართველოს კომპარტი-
ის ცენტრალური კომიტეტის
ბიუროს, საქართველოს კომპარტი-
ის XXVIII ყრილობის ხე-
ლმძღვანელი ორგანოების, საქა-
რთველოს კომპარტიის ცენტრა-
ლური კომიტეტის წევრებისა და
წევრობის კანდიდატების, პარ-
ტიის საოლქო და რაიონული
კომიტეტების პირველი მდივნე-
ბის, რიგი პირველადი ორგანიზ-
აციების პარტიული კომიტეტ-
ის მდივნების ერთობლივი
სხდომა, რომელმაც განიხილა
საქართველოს კომპარტიის
წინასაარჩევნო პროგრამის დამტ-
კიცების, დეპუტატობის კანდიდა-
ტთა სიისა და კომპარტიის მი-
მდინარე ამოცანების შესახებ.
სხდომა დადგინდა:

1. მოწოდებულ იქნეს და გა-
მოყვედნეს პარტიულ პრესაში
საქართველოს კომპარტიის წინ-
ასაარჩევნო პროგრამა.

2. მიღებულ იქნეს პირველ-
ადი პარტიული ორგანიზაციების,
პარტიული კომიტეტების, ფარ-
თო პარტიული აქტივისა და სა-
ზოგადოებრიობის მიერ წარმო-
დგენილი საქართველოს სსრ
უზენაესი საბჭოს დეპუტატობის
კანდიდატების სია საქართველოს
კომუნისტური პარტიისაგან.

დაევალოს ცენტრალური კომ-
იტეტის ბიუროს სხდომაზე გამ-
ოქმული მოსაზრებების გათვა-
ლისწინებით მისცეს სიას საბო-
ლოო სახე ცენტრალურ საარ-
ჩევნო კომისიაში წარსადგენად.

3. საქართველოს კომუნისტუ-
რი პარტიის ცენტრალური კომ-
იტეტის, ადგილობრივი პარტიუ-
ლი ორგანიზაციების პრაქტიკუ-
ლი საქმიანობის მთავარ ამოცა-
ნად ჩითვადი წინასაარჩევნო
კამპანიაში აქტიური მონაწი-
ლეობა, პარტიის წინასაარჩევნო
პროგრამის პროპაგანდა და კო-
მპარტიისაგან დეპუტატების კან-
დიდატთა ყოველმხრივი მხარ-
დაჭერა.

4. საოლქო, საქალაქო, რაიონ-
ულმა პარტიულმა კომიტეტებ-
მა, პირველადმა პარტიულმა
ორგანიზაციებმა იხელმძღვანე-
ლონ საქართველოს კომპარტიის
ყრილობის პირველ ეტაპზე გან-
ხილული და მოწოდებული საქა-
რთველოს კომუნისტური პარტი-
ის პროგრამისა და ორგანიზა-
ციულ-სტრუქტურული წყობის
დოკუმენტებით.

გზა გაუხსნა რეზერვებს

ცაგარის მანქანა-ტრაქტორთა პარკის რემონტისა და
მასშტაბირების საფარმის საფინანსო-მომსახურე
მდგომარეობა, მომსახურების ფორმები, მუშაობა შრომის
ანაზღაურება აუზარა დასტურია იმისა, თუ რა შედეგად
დაგროვდა მდგომარეობა შრომის, თვითმართვადობაზე გადის-
ვლამ მოუტანოს საფარმის, სწორად ამ საკითხებზე გვა-
ოწმებს საუბარი საფარმის მონაწილეთაგან. ო. სილაგაძის-
თან, რომელმაც გვითხრა:

საფარმო 1989 წლიდან გადა-
ვიდა თვითმართვადობაზე და
თვითმართვადობაზე. თავიდან,
შეუქმებელი ჰქონდა არ იყო,
ვინაშით, გვაფიქრებდა და-
მოუკიდებლობა, შრომის ახლ-
ბურ ფორმაზე გადასვლა. ეს
სიახლე რომ სასარგებლო იყო,
ამაში საანგარიშო დარგის მუშა-
კების დარწმუნება შედარებით
ადვილი გახდა, მაგრამ მუშათა
კოლექტივში პირველ ხანებში
ერთგვარი დისონანსი კი შეიტა-
ნა.

პირველ რიგში აუცილებელი
გახდა საადრევე-ეკონომიკუ-
რი სამსახურის მოგვარება,
მთლიანად იქნა ამოღებული დე-
ბიტორული დავალიანება, შემუშ-
ავდა ახალი ციკლის ნორმები,
შემოვიდეთ ახალი ტარიფები,
თანამდებობრივი სარგებები, მმარ-
თველობითი აპარატი შევამცირ-
ეთ მანქანების მიღება. მიღებულ
იქნა ზომები საფარმოში მომჭი-
რნეობის უმჯობესი რეჟიმის
განხორციელებისათვის.

წინა პლანზე იქნა წამოწეული
კოლექტივის წევრთა ინტერესე-
ბი, თითოეული მათგანი დავა-
რწმუნეთ იმაში, რომ ის, რას-

აც ეკონომიით, სახსრების უაი-
რათიანი ხარჯვით მივაღწევთ,
უკლებლივ ყველაფერი კოლექ-
ტივის წევრთა საკუთრებაა,
მის ვერაფერ ვერ შეეხება.

გავიდა გარკვეული დრო,
ახლა უკვე, ახლებურ შრომაზე
გადასვლის ერთი წლისა და 8
თვეს შედეგებმა ყოველგვარ
მოლოდინს გადააჭარბა. თუ
აღრე, 2-3 წლის წინ, სასაქონ-
ლო მატერიალური ფასეულობის
შესაძენად და მუშა-მოსამსახურ-
ეთა ხელფასების გასაცემად
ყოველთვის სახელმწიფო ბანკის
სესხებს ვსაჭიროებდით, ამასთან
სესხით სარგებლობის პროც-
ენტს და გადაადგილების კი
საურავს წარმოებით მიღწეული
მოგება მთლიანად მიჰქონდა,
ამჟამად ბანკის სესხს საერთოდ
არ ვსაჭიროებთ. დღეისათვის
საფარმის თავისუფალი სახსრე-
ბის სახით ბანკში 118 ათასი
მანეთი აქვს. მარტო მიმდინარე
წლის 8 თვეში ჩვენი სახსრებით
შევიძინეთ ორი ექსკავატორი, 1
ავტომანქანა, ავსენით 100 ტონ-
ის ტევადობის წყლის სახანძ-
რო რეზერვუარი, საქმიან ეზოს
შემოვავლეთ დეკორაციული ბე-

ტონის ღობე.

გასული და მიმდინარე წლებ-
ის 8 თვის რენტაბელური მუშა-
ობით შეიქმნა იმდენი ფულად-
ი ფონდები, რაც წინა ათწლე-
ულში ძლიერდებოდათ თუ
იქმნებოდა. უკვე პირველი სექ-
ტემბრისათვის მატერიალური
წახალისებისა და დაჯილდოების
თავისუფალ ფონდში გვაქვს 8
ათასი მანეთი, სოციალურ-კულ-
ტურული და საბინაო მშენებე-
ლობის ფონდში—12 ათასი მანე-
თი, წარმოების განვითარებისა
და ახალი ტექნიკის ფონდში—
48 ათასი მანეთი, რემონტის
ფონდში კი—45 ათასი მანეთი,
რაც სრულ საფუძველს ქმნის
საფარმის შემოღობვას, ყოვე-
ლგვარი დაბრკოლების გარეშე
განაგრძოს მუშაობა.

ახლა კონკრეტულად იმის შე-
სახება, თუ რა საქმიანობას ეწე-
ვა მანქანა-ტრაქტორთა პარკის
რემონტისა და ექსპლუატაციის
საფარმო, ჩვენთან ფუნქციონი-
რებს მანქანა-ტრაქტორთა პარკ-
ის ტექნიკური მომსახურება,
მეცხოველეობის ფერმების ტექ-
ნიკური მომსახურებისა და
შრომატევადი პროცესების მექანი-
ზაცია, სატრაქტორო მექანიზირე-
ბული სამუშაოები. ჩამოთვლილი
ყველა დარგის გეგმები გადაჭა-
რებით სრულდება და რენტაბე-
ლურია, კერძოდ, მიმდინარე
წლის 8 თვეში ნაცვლად 108,6
ათასი მანეთისა, რაიონის საზო-
გადოებრივ მეურნეობებს გაეწია
141,8 ათასი მანეთის მომსახურება.
დასასრული მე-8 გვერდზე.

დღეს ნომერი: 116
გვერდი: 1

*ჩვენი წარდგინება

წმინდა ილია მართლის საზოგადოება

(II გვ.)

* სახელმწიფო ლიტერატურული პრემია

„ბანოვანი“

(III გვ.)

*ვაგარშაქო კულტურის

საირმის კლდეთა საიდუმლოება

(IV გვ.)

ჩვენი დღეების აღმნიშვნა მიწა სოფელში გვამგზავნებს

მიწა ჩვენი მარჩენალია, მიწ-
ის გარეშე, მასთან ურთიერთო-
ბის გარეშე არ შეიძლება გაჯა-
ნსაღდეს ჩვენი ეკონომიკა, გან-
იშუბოს ის დაძაბული ვითარ-
ება, რაც დღევანდელი საქარ-
თველოს ეკონომიკური თუ სოცი-
ალურ-პოლიტიკური ცხოვრებაში
სუფევს.

მდგომარეობიდან თავის დაღ-
წევის გზა მხოლოდდახოლოდ
სოფელზე გადის, სოფლის
მშრომელთა ერთგული და თავ-
დადებული შრომა საქარო,
რომ სასურსათო პროდუქტები
დაგროვდეს, კრიზისი რაც შეი-
ძლება მალე აღმოფხვრას.

ქვეყნისა და ხალხის სასარგ-
ებლო შრომაში ჩაბმული ალ-
პანელი რუბენ ფრუიძე, რომე-
ლიც საქმით, მხოლოდ პრაქტი-
კული საქმიანობით ამტკიცებს
თავის მხარდაჭერას იმ სასიკეთო
ძვრებისადმი, რაც აგრარულ სე-
ქტორში, სასოფლო-სამეურნეო
საქმიანობაში ხდება.

რუბენ ფრუიძეს საქმისმოყვა-
რე, სინდის-ნამუსით სავსე კა-
ცად იცნობენ თანასოფლელები,
ამას ამტკიცებს კიდევ შინ და
გარეთ მისი შრომა-საქმიანობა,
მუშაობა, თანასოფლელებთან
ურთიერთობა, ალალი, გულდია
ხასიათი. ყველაფერი ყარგად,
გულიანად და ხარისხიანად აქვს
გაქეთებული თავის კარ-მიდამოში.

აქვს იჯარით აღებული ზვარი
და ყანა, შრომა არ ეზარება
და ასეთ კაცს არც უჭირდა და
არც არასოდეს გაუჭირდება.
ოთხი შვილი იზრდება ამ შრო-
მით ნაქვს ოჯახში. ორი, უფრ-
ოსები დაოჯახებული არიან,
მომღევნო ბიჭები კი სკოლის
მოსწავლეები. ოჯახის ბურჯი
და დედაბოძი მაინც დედა ყო-
ველთვის, რუბენის მეუღლე ეთ-
ერი მართლაც ბურჯად ჟღერს
თავის მრავალრიცხოვან ოჯახს,
ყოველწლიურად იწვევს აბრეშუ-
შის პარკის მოსავლს. რუბენის
ოჯახში გლეხკაცის განუყრელი
მეგობარი ხარცაა და მისი
თანამედროვე კონსტრასტული
ანალოგი მსუბუქი ავტომანქანაც.

ყველამ ასე უნდა იშრომოს,
ყველამ, თითოეულმა მშრომელმა
თავისი წვლილი უნდა შეიტანოს
იმ დიდ საქმეში, რასაც საქარ-
თველოს ეკონომიკური და პოლ-
იტკური დამოუკიდებლობა
ჰქვია.

რუბენის მშობლიური სოფე-
ლი ალაშა, ლეჩხუმის სხვა სო-
ფლებთან შედარებით, ხალხმრავ-
ალი სოფელია. სწორედ ძლიე-
რი და ხალხმრავალი უნდა გახ-
დეს ჩვენი სოფლები, რომ წარ-
მატებით გადავჭრათ ყველა ის
პრობლემა და საჭიროებოტო
საქმეები, რაც დღეისათვის ჩვენი
წინაშე დგას.

ჯ. მანდარია.

ყველას, ყველას, ყველას!

30 სექტემბერს, კვირას დანიშნულია ეროვნული კო-
ნგრესის არჩევნები. ეროვნული კონგრესი უნდა გახდეს
ქართველი ხალხის ნების გამოხატველი ორგანო, რომე-
ლმაც წარმატებით უნდა დააგვირგვინოს მისი სწრაფვა
თავისუფლებისაკენ.

ცაგარის რაიონში შექმნილია ეროვნული კონგრესის
არჩევნების საარჩევნო უბნები, რომელთა საზღვრები
ემთხვევა საქართველოს უზენაესი საბჭოს არჩევნების
საარჩევნო უბნებს.

მამულიშვილნო! მოგიწოდებთ აქტიური მონაწილეობა
მიიღოთ ეროვნული კონგრესის არჩევნებში. თქვენი მი-
სვლა საარჩევნო უბანში ნიშნავს თქვენს პასუხისმგებ-
ლობას ერის წინაშე.

ეროვნული კონგრესის არჩევნების საკოორდი-
ნაციო ცენტრი.

ჩვენი ნაპოვნები

შვინდა ილია მართლის საზოგადოება

ჯერ კიდევ 1987 წელს, როცა საქართველოში არ იგრძნობოდა გარდაქმნის პოლიტიკით გამოწვეული შედეგებით „დათბობა“, შეიქმნა ილია ჭავჭავაძის საზოგადოება. საზოგადოებაში გაერთიანებული იყო ეროვნული მოძრაობის ლიდერთა დიდი ნაწილი. შემდგომ, 1988 წელს, პოლიტიკური მოსაზრებით საზოგადოება დატოვეს რადიკალურად განწყობილმა „არაფორმალებმა“. მ. კოსტავამ, ი. წერეთელმა და სხვებმა, მერაბ კოსტავას ინიციატივით დაარსდა წმინდა ილია მართლის საზოგადოება, რომლის ფაქტიური თავმჯდომარეც იყო იგი სიკვდილამდე. საინიციატივო ჯგუფმა მუშაობა დაიწყო 1988 წლის სექტემბერში, რისი პირველი შედეგიც იყო 20-21 სექტემბრის აქცია დავით გარეჯის სამ-

ონასტრო კომპლექსთან სამხედრო პოლიგონის გაუქმების მოთხოვნით. 8 ოქტომბერს საზოგადოებამ მოაწყო პირველი მიტინგი, რომელიც სანქცირებული არ იყო ხელისუფლების მიერ, ალბათ, გახსოვთ, რომ ამის

1989 წლის დასაწყისში საზოგადოებას გამოეყო ჯგუფი ი. წერეთლის, ი. ბათიაშვილის თ. სუმბათაშვილის ხელმძღვანელობით, რომელმაც შემდგომ შექმნა დამოუკიდებლობის პარტია. ეს ბატონები დარჩნენ

შემდეგ იყო 19,26 მაისის აქცია, ივნის-ივლისში ქვემო ქართლსა და აფხაზეთში მომხდარი არეულობების რეგულირება. 10 სექტემბერს მერაბ კოსტავას ინიციატივით მოეწყო აქცია დევიზით—დაუბრუნოთ პატიმ-

ბამ საზოგადოების წევრობის გარიცხა გ. გოგბაიძის 45-ე კაცია-ნი ჯგუფი (წესდების უბეში დარღვევისათვის). 1990 წლის მაისში შეიქმნა მრავალპარტიული პოლიტიკური ბლოკი, რომლის შემადგენელიც იყო წმინდა ილია მართლის საზოგადოებიდან არჩეული არი-ან თ. პატაშვილი, თ. გველა-სიანი, მ. ურიდია, გ. ჩორგო-ლაშვილი, მრავალი მაგიდის სპიკერი გახლავთ ბატონი ზ. გამსახურდია.

მრავალი მაგიდა—თავისუფალი საქართველო, ასეთი სახელით მონაწილეობს ახალი პოლიტიკური ბლოკი უზენაესი საბჭოს არჩევნებში, რომლის დემოკრატიული საარჩევნო კანონის მიღება დიდად განაპირობა წმი-ნდა ილია მართლის საზოგადოების მიერ მოწყობილმა პოლიტიკურმა აქციებმა.

საზოგადოებას ჰყავს ფილი-ლები რესპუბლიკის ბევრ ქალაქსა და რაიონში. 15-კაციანი ჯგუფი ფუნქციონირებს ჩვენს რაიონშიც. იგი აქტიურად მონაწილეობს პოლიტიკურ აქციებში.

წმინდა ილია მართლის საზოგადოების დევიზია—მამული, ენა, სარწმუნოება.

უბრალოდ პარტიის მასალების მიხედვით მოაზრდა ია ხელოვნება.

გამო დააჯარიმეს მ. კოსტავა, ზ. გამსახურდია, ი. წერეთელი, ი. ბათიაშვილი, გ. პეტრიაშვილი. 12 ნოემბერს თბილისის იზოლაციის წმინდა ილია მართლის საზოგადოების ინიციატივით მოეწყო მრავალათასიანი სანქცირებული მიტინგი, რომელსაც უდიდესი პოლიტიკური მნიშვნელობა ჰქონდა ერის ცხოვრებაში. მიტინგები მოეწყო აგრეთვე ბათუმში 21 ოქტომბერს და 20 ნოემბერს.

1988 წლის ნოემბერში შიშო-ლობის აქციაში მონაწილეობდა წმინდა ილია მართლის საზოგადოების 200 წევრი, ამ დროისათვის საზოგადოების გამგეობაში შედიოდნენ ბატონები: მ. კოსტავა, ზ. გამსახურდია, ი. წერეთელი, ი. ბათიაშვილი, თ. პატაშვილი, ვ. აღამია, მ. გოგბაიძე, ნ. მჭედლიშვილი, თ. სუმბათაშვილი.

წმინდა ილია მართლის საზოგადოების გამგეობაში, ვინაიდან ახალი პარტია ორგანიზაციულად საზოგადოებიდან არ გასულა.

1989 წლის 8 თებერვლის აქცია, რომელიც დავით აღმაშენებლის ხსენების დღეს მიეძღვნა, 25 თებერვალს გლოვის დღის აღნიშვნას მოჰყვა საპროტესტო აქციები მთავრობის სახლთან. რაც გამოწვეული იყო „ლიზნის წერილით“. აქციები 25-29 მარტამდე გაგრძელდა. საზოგადოება აქტიურად მონაწილეობდა აგრეთვე 4-9 აპრილის პოლიტიკურ აქციაში, რის გამოც დაპატიმრებული იყვნენ ზ. გამსახურდია, ი. წერეთელი და მ. კოსტავა, 1989 წლის აპრილში შეიქმნა ეროვნული ხსნის მთავარი კომიტეტი წმინდა ილია მართლის საზოგადოების აქტიური მონაწილეობით.

რებს სიყვარული. საზოგადოება აქტიურად მონაწილეობდა აგრეთვე „წვევამდელთა“ აქციებში.

1990 წლის იანვარში საზოგადოებას გამოეყო ჯგუფი, რომელმაც შექმნა მ. კოსტავას საზოგადოება ე. აღამიას ხელმძღვანელობით.

1990 წლის მარტის კონფერენციაზე მოხდა საზოგადოების გამოქვეყნება დამოუკიდებლობის პარტიასთან. ამავე კონფერენციაზე საზოგადოების თავმჯდომარედ აირჩიეს ზ. გამსახურდია. დამტკიცდა პროგრამა და წესდება.

ეროვნული ფორუმის შექმნისთანავე საზოგადოება შევიდა მის შემადგენლობაში, მაგრამ მალევე დატოვა იგი. ფორუმში დარჩა ფრაქცია გ. გოგბაიძის ხელმძღვანელობით, 1990 წლის 29 მაისს სრულიად საქართველოს წმინდა ილია მართლის საზოგადოების პირველმა ყრილო-

კომპარტიკა, რეპრობა, აზარი

არმარც ცნობილია, სკკ XXVIII ტრილობაზე მოხდა „დემოკრატიული პლატფორმის“ განხილვა, მისმა ზოგიერთმა ნაწილმა გადაწყვიტა საბჭოთა კავშირის კომუნისტური პარტიიდან გასვლა და დამოუკიდებელ პარტიად გაფორმება. ამ მიზნით „დპ“ ცნობილმა მოღვაწეებმა ვ. ლიხენკოვ, ვ. ბელოვმა ვ. ფილინმა დაიწყეს მოგზაურობა ციმბირისა და შორეული აღმოსავლეთის ქალაქებში ამოზრჩეულბთან და პარტიულ აქტივთან შესახვედრად. ისინი მოუწოდებდნენ თავიანთ მომხრეებს სეგისტრაციაში გატარებულიყვნენ როგორც ახალი პარტიის მომავალი წევრები, მაგრამ სკკ რიგებიდან არ გამოსულიყვნენ ოფიციალურად და პარტიულდები არ ჩაებარებინათ მიმდინარე წლის ნოემბერში „დპ“ ყრალობამდე. მოქმედების ასეთი წესი, „დპ“ გამოყოფილი ნაწილის წინამძღოლთა აზრით, მათ საუალებას მიატოვა შემდეგ მოეცა ციფურად მოითხოვონ სკკ ქონების, განსაკუთრებით პოლიგრაფიული ბაზის, სასამხარო შენობების გაყოფა.

„ივესტია ცკ კსს“-ის დამატებაში გაზეთ „ქალაქის“ გამოქვეყნებულ სტატიაში „თუ მიდინარ—წადი“, აღეხები ვერტენიკოვი ამასთან დაკავშირე-

თუ მიდინარ. წადი!

ბით წერს: „მოდით ყოველგვარი წყენისა და ამბიციების გარეშე ავწონ-დავწონოთ: რას შეიძლება რეალურად დაეყრდნოს „დემპლატფორმის“ გამოყოფილი ნაწილი? პარტიული ქონებისა და დაგროვილის რა ნაწილზე შეიძლება განაცხადოს მან პრეტენზია? გავითვალისწინოთ, რომ საბჭოთა კავშირის კომუნისტური პარტიის მთელი მონაპოვარი კომუნისტთა ერთი თაობის შექმნილი როდია, და საეჭვოა, რომ ჩვენგან წასული ამხანაგები, ცოცხლებიც რომ იყვნენ, დაეთანხმებოდნენ იმას, რომ პარტიული დოვლათის ნაწილი, რომელიც მათი შრომით იქმნებოდა, უნდა გადაეცეს ადამიანებს, რომელთა პოზიციის მიმართაც არა გვგონია ისინი სოლიდარული იქნებოდნენ.

ამიტომ, განაგრძობს იგი, პირად აზრს რომ გამოთქვამენ, მომავალი ახალი პარტიის წევრებს „შეუძლიათ, ალბათ, პრე-

ტენზია განაცხადონ მხოლოდ ქონებისა და სახსრების ისეთ ნაწილზე, რომელიც არ აღემატება სკკ რიგებში მათი ყოფნის დროს შენატან საკუთარ თანხებს“.

„მაგრამ შეიძლება დაუბრუნოთ მათ საწევროები, უკანასკნელ კაპიკამდე, თუკი ადამიანებმა ხელი აიღეს ჩვენს პარტიაზე და ყოველივე სიკეთეზე, განა რა ქნეს ისეთი? მით უმეტეს, რომ მასობრივი გაყოფა არ არის მოსალოდნელი“.

„დპ“ პოზიციას რომ ახასიათებს, სტატიის ავტორი წერს: „საინტერესო ლოზიკა!—მეო, იდეურად თქვენთან არა ვარო და საწევროსაც საბჭოთა კავშირის კომუნისტურ პარტიას არ ვუხდით, მოდით, ცოტა ხანს ერთად მოვითმინოთ, შემდეგ მე წავალ სხვა პარტიაში, რასაკვირველია არა კომუნისტურში, და თქვენი ქონების ნაწილსაც წავიღებ, მანამდე კი თქვენ ყოველივე ამას თითქოს ვერ ამჩნევთ, დროებით შეურიგდითო“.

„მაგრამ საჭირო კია, რომ შევურიგდეთ? ვფიქრობ, ყველაზე სამართლიანი იქნებოდა ასეთ გრცელ განცხადებაზე მშვიდად და მტკიცედ გვეპასუხა: „დავით მაგიდაზე პარტიულობით!“,—დაასკვნის იგი.

(საპაღმინი)

დღეს ბევრს ვლაპარაკობთ კომუნისტურ პარტიზე, პარტიის ავტორიტეტი დაეცა, თუ გუშინ კომუნისტობა სახელისა და დიდების საქმე იყო, დღეს მის რიგებში ყოფნა ბევრს შეუარაც-

პირით

ცხოვრებისაკენ

ხყოფად მიიჩნია. არის კამათი—რა იქნება ხვალ, რა ბედი მოელოს კომპარტიას. ბოლო ორი წელია პარტიის რიგების დატოვება, პარტიული ბილიტების დათმობა ჩვეულებრივი მოვლენა გახდა. ჯერ კიდევ გუშინ, პარტიიდან გაჭრისხავო რომ ეტყოდნენ კაცს, სიკვდილის ტოლფასი იყო, ისეთი იარაღით დადიოდა, ყველგან გადაეტილი ჰქონდა გზა. დღეს პარტიაზე გამწვარალი იყოფიან კატეგორიულად. ხელალებით, უპატივცემულოდ რომ ტოვებენ პარტიას, ეს ის ხალხია, ვინაც გუშინ წითელი მანდატით ბევრს მიაღწია, ახლა სხვა დროა და ეროვნულ მოძრაობაში ეძებენ კარიერას.

არის კომუნისტთა მეორე კატეგორია—ოზივტელური თავაღსაზრისის, რომლებიც ელოდებიან, რა იქნება ხვალ, საით გადაიხრება დროის სასწვრი.

უმრავლესობას წარმოადგენენ მესამენი, დიდი ფენა, რომელიც პარტიაში ანგარებით მიხვებით არ შესულა, რწმენით შევიდა და დღეს, როცა პარტია განსაცდელშია, უკიდურესად უჭირს, არ ღალატობს, პირიქით, იბრძვის მისი ავტორიტეტის აღდგენისათვის. მეც ვაღაგვარ მათ რიგებში. მხოლოდ ერთია—

დღეს, როცა საქართველოში მრავალპარტიულობა ჩვეულებრივ მოვლენად იქცა, კომუნისტურ პარტიასაც თავისი ადგილი უნდა ჰქონდეს სხვა პარტიებთან ერთად და არა მმართველი პარტიისა. მას ოპონენტებთან ბრძოლით, წმინდა ეროვნული საქმეების კეთებით სარგებლობის მოტანა შეუძლია საქართველოსთვის. ავტორიტეტი


კი მოიპოვება იმით, რომ პარტიაში გაწმინდოს უნდა თავისი რიგები მტკრთამეებისაგან, ბიუროკრატებისაგან, კორუმპირებული პიროვნებებისაგან, მერყეული ელემენტებისაგან, კგი საქმიო უნდა ახორციელებდეს წესდების მოთხოვნებს, ემსახურებოდეს ხალხის ინტერესებს.

აქვე მინდა გამოვხატო ჩემი დამოკიდებულება რესპუბლიკის კომპარტიის დამოუკიდებლობის მიმართ, ნამდვილად არაა საჭირო ცენტრისადმი, საკავშირო კომპარტიისადმი დაქვემდებარება.

რაც შეეხება იმას, რომ კომუნისტები ჩვენი საზოგადოებისათვის ყალბი იდეალია, და ეს დადასტურა ცხოვრებამ, უნდა შეიცვალოს სახელწოდებაც. ჩემის აზრით, უმჯობესია ერქვას საქართველოს სოციალისტური პარტია. მაგრამ სახელწოდების შეცვლას უნდა მოჰყვეს განახლებადი პარტიის იდეოლოგიური მუშაობის საფუძველი. მარქსისტულ-ლენინური იდეოლოგია კი უარგავით, ასე, რომ საჭიროა რაღაც ახალი იდეოლოგიის შექმნა.

პარტია რადიკალურად უნდა შემობრუნდეს დროისაკენ, ცხოვრებისაკენ.

ვლ. დავითილიანი.



შპრაინის სსრ. მეორე წელია ივანე გუსარი ტერნოპოლის რაიონში საკუთარ ფერმერულ მეურნეობას ეწევა. წლევანდელი წელი გულუხვი აღმოჩნდა. მიღებულია ხორბლის კარგი მოსავალი. უკვე შემოდის წიწიბურა. ფერმერთა თვალს ხშირი სიმინდის ყანაც ახარებს.

სშრაბიში: ეს აგრეგატი რომელსაც გულდასმით აშაადებენ ფერმერები, მარცვლის გაწმენდაზე მუშაობს.

ი. ილენკოს ფოტო. (საკდესის ფოტოქრონიკა)

ს ა ხ ე ლ ო ვ ა ნ ი ლ ე ჩ ს უ მ ე ლ ი ქ ა ლ ე ბ ი

ლაჯანის თვალწარმტაცი ხეობა. მის მარცხენა ფერდობზე შეფენილი სოფლები ლაჯანა და გაულები ისტორიულად ცნობილი დასახლებებია. აქედით ბინა ლეჩხუმსა და მის ფარგლებს გარეთ ცნობილ თავადებს გელოვანებს, რომელ გვარშიდაც ბევრი საქვეყნოდ ცნობილი პიროვნება აღიზარდა. სწორედ ამ გვარმა მისცა ქართულ მწერლობას ცნობილი მწერალი ქალი დესპინე გელოვანი, „ბანოვანის“ ფსევდონიმით რომ შევიდა მწერლობაში.

დესპინე გელოვანი 1888 წლის 16 დეკემბერს დაიბადა ლაჯანაში, შემდგომი თავადის დავით გელოვანის ოჯახში. მამის ტრადიციული მხედრელების გამო, ქალიშვილის სასწავლებელში გაგზავნა არ მოხერხდა და წერა-კითხვას დედა ასწავლიდა. ნიჭიერი გოგონა დიდი მოწოდებით დაეწაფა წიგნებს და ქართული ლიტერატურა ღრმად შეისწავლა. ჯერ კიდევ ახალგაზრდობიდანვე დესპინე გელოვანი დამოუკიდებელი ცხოვრებისათვის იბრძოდა, ქალაქში მოხვედრას იცნებოდა. იგი ლეჩხუმის ფეოდალურ წრეებში ფეხმოკიდებულ, ოჯახში ქალის ჩაქვების ტრადიციებს ვერ ურიგდებოდა. მისთვის ბედნიერი წუთები, მხოლოდ მაშინ დგებოდა, როცა კერძო მასწავლებლების გაკვეთილების შემდეგ საშუალება ეძლეოდა მათთან ესაუბრა საინტერესო თემებზე, მტკიცედ სპიკითებზე. ყოველივე ამან აღუძრა მას სურვილი გამხდარიყო გაზეთ „ივერიის“ კორესპონდენტი, გამოსულიყო ხალხში და ეხმებინა იმდროინდელი უკუღმართი ცხოვრება, სწორედ ამან ააღებინა მომავალ მწერალ ქალს

კალამი ხელში. დესპინე გელოვანი მტკიცედ ულად განიცდიდა ლეჩხუმში არსებულ მდგომარეობას — გაუნათლებლობას, ჩამორჩენილობას, ძალმომრეობას, უსამართლო ჩაგვრას. ბანოვანმა წერა პატარა პატარა კორესპონდენციებით დაიწყო. ის ამხელდა ლეჩხუმ-

თავისი საყვარელი ხალხის დასაცავად. არავინ იცის, როგორ ახერხებდა მამხილებელი წერილების ბეჭდვას. მის წერილებს კი, საღ არ შეხვდებოდათ, რომელ გაზეთებში: „ივერიაში“, „ცნობის ფურცელში“, „თემსა“ და „სახალხო ფურცელში“, ბევრი მტერი გაუჩნდა ახალგაზრდა ქალს.

უმცროს ძმისწულს, ანდრია გელოვანს, ფართო განათლების და დახვეწილი კულტურის იუარისტს, დიდი ღვაწლი მიუძღვის ჩვენი ხალხის ცხოვრებაში. მანვე იზრუნა და დიდი ამაგი დასდო მამიდის ხსოვნას, როცა მისი ლიტერატურული მემკვიდროების მასალების შეგროვებას შეუდგა. დ. გელოვანის შემოქმედების შეგროვება არც ისე

დები, რომელიც 1960 წელს გამოსცა გამოცემლობა „საქალაქო საქართველოში“. ორივე რომანში აღწერილია ლეჩხუმ-სვანეთის ცხოვრება მასში ერთმანეთთან არის დაპირისპირებული ძველი გადმოცემით, ფეოდალური ყოფის ალათ-წესები და ბრძოლა ახალი, სამართლიანი ცხოვრებისათვის. „შორეული ლანდები“, როგორც თვითონ ნაწარმოების სათაური გვიჩვენებს, ჩვენი ქვეყნის შორეულ წარსულს ეხება, სახელდობრ, მე-17 საუკუნის საქართველოს ერთ-ერთ კუთხეს—ლეჩხუმს. ამ წიგნზე ათეული წლები მუშაობდა მწერალი.

რომანი აქტუალურია, მასში ისტორიის წამქვანი ძალა ხალხია. ნათლად ასახულია მაშინდელი ლეჩხუმის, მისი მეზობელი კუთხეების ცხოვრება, სამეგრელოს მთავრების დადიანების ბრძოლა ლეჩხუმში ბატონობისათვის.

მწერალი თვითონ ფეოდალური წრიდან არის, მაგრამ კარგად იცნობს ერთი მხრივ, თავად აწნაურობისა და ეკლესიის მსახურთა, ხოლო მეორე მხრივ, გლეხების ცხოვრებას და მათ დაპირისპირებულ ბრძოლაში მთელი სიმართლით ხალხის მხარეზე, მისი აზრით, ხალხია შემოქმედი ეროვნული წინაშის, მატერიალური დოვლათის, კულტურის, სწორედ მასშია მალალი პატრიოტული გრძნობა.

დესპინე გელოვანი გარდაიცვალა 1934 წელს. იგი ისე წავიდა ამა ქვეყნიდან, რომ ვერ მოესწრო მისი რომანების ცალკე წიგნებად გამოცემას. ამჟამად, როცა საქართველოში დიდი ეროვნული მოძრაობა, კარგი იქნება თუ რომელიმე გამოცემლობა ან კოოპერატივი ითავებს და გამოსცემს დესპინე გელოვანის რომანებს.

„ ბ ა ნ ო ვ ა ნ ი “

სვანეთის მაზრაში მეფის ბიუროკრატი ჩინოვნიკების თავდასულობას და ბოროტმოქმედებას. საოცარი იყო მწერალი ქალის ერუდიცია და კრიტიკული აზროვნების უნარი. ლეჩხუმის მთებში დაბადებული და გაზრდილი, სიცოცხლის ბოლომდე იქვე ცხოვრობდა. ის ქვეყნის მაქისცემას თვალყურს ადევნებდა მხოლოდ პრესის საშუალებით. მხედველობიდან არ რჩებოდა ცოტად თუ ბევრად მნიშვნელოვანი მოვლენა, მათი დაკვირვებითა და გაანალიზებით ამდიდრებდა თავის შემოქმედებას. მან, ფიზიკურად და სულიერად ლამაზმა და ჯანმრთელმა, განათლებულმა და არისტოკრატიული აღზრდით მაღალკულტურულმა ქალმა, უარი თქვა პირადულ, კეთილ ცხოვრებაზე. თავისი ცოდნა და ენერგია სამშობლოსა და მის მომავალზე ფიქრით შექმნილ ნაწარმოებებში ჩააქსოვა.

დესპინე გელოვანში დიდი ვაჟკაცური სული, ბრძოლის უნარი, შემართება იყო. ის უშიშრად, კრიტიკით გამოდიოდა ძალმომრეობის წინააღმდეგ.

ცხრაასწუთიან წლებში, რევოლუციურ მოძრაობაში მონაწილეობისათვის, მაზრის უფროსის პაშოვის დაბეზლებით გადაწვეტილი იყო მწერალი ქალის მშობლების სახლ-კარი გადაწვათ. ეს არ გაუჭირდებოდა აღიზანოვანსკის დამსჯელ რაზმს, მაგრამ საბედნიეროდ, საქმეში ჩაერია ქუთაისის გენერალ-გუბერნატორის ნათესავი ქალი დედმკელიანი და გელოვანების სახლ-კარი გადარჩა.

ცხრაას წუთი წლის რევოლუციის შემდეგ დესპინე გელოვანი კულტურულ-საზოგადოებრივ მოღვაწეობას ეწეოდა. მშრომელი მასების გათვითცნობიერების მიზნით ხალხში გავიდა და თეატრალური მოღვაწეობა დაიწყო სოფლებში: ცაგერში, ლაილაშსა და ლაჯანაში.

დესპინე გელოვანი თავდადებული მამიდა იყო ძმისწულებსათვის. იგი არა მარტო წერა-კითხვას ასწავლიდა, არამედ ხელმძღვანელობდა მათ საერთო განათლებას, ზნეობრივ აღზრდას და ისინიც-სამი და და სამი მშა, მამიდას უმაღლიდნენ მამულიშვილებად ჩამოაყალიბებას.

იოლი აღმოჩნდა, ამიტომ წლები დასჭირდა იმ მემკვიდრეობის მოკვლევას, რომელიც დღეს ჩვენი აზრის ცნობილი.

დ. გელოვანი დამოუკიდებლად გაიზარდა ქართული ლიტერატურის ტრადიციებზე და ფართო განათლებაც მიიღო, რაც კარგად გამოჩნდა მის მხატვრულ ტილოებში. ძალდაუტანებელი კალამი, გამართული ქართული, მხატვრული ენა მის ნაწარმოებებს თავიდან ბოლომდე საინტერესო საკითხავს ხდის. დესპინე გელოვანმა პირველად კორესპონდენციების წერა დაიწყო. შემდეგ ხელი მიჰყო საინტერესო ეთნოგრაფიული ხასიათის ნარკვევებს. მერე მხატვრული ნოველების შექმნაზე გადავიდა. სულ მალე პატარა-პატარა მოთხრობებიც დაწერა. ასეთებია „ისრაელის ასულმა გაიმარჯვა“, „ველარ ეგუა სული ჩემი“, „ლეგენდა“, „პირველყოფილი ქალი და კაცი“ და სხვა.

ყველაზე დიდი ავტორიტეტი მოუხვეჭა მწერალ ქალს მისმა რომანებმა „სამართალს სისხლით იღებენ“, რომელიც 1926-27 წლებში ჟურნალ „მნათობში“, დაიბეჭდა და „შორეული ლან-

ჩვენნი
საფოსტო
ყუთიდან

სანამ გაგრძელდება ასე?

რაიონის ცენტრში არსებული ერთად-ერთი ავტოსადგური სრულიად უუყურადღებოდა მოტოველებს. რამდენიმე თვის წინ იმის გამო, რომ შენობის სახურავიდან წვიმა ჩამოდიოდა, მოსაცდელ ღარბაში ისე წვიმდა როგორც გარეთ, ანტისანიტარია იყო გამეფებული, მოსაცდელის კარები ჩაქედეს და მგზავრები ქუჩაში დარჩნენ. როგორც ჩანს გაჭირვებაში ჩაფარდნილი მგზავრების თხოვნა ვიღაცამ უურად იღო, ცოტა რამ შეარემონტეს და მგზავრებს შესაძლებლობა მოგვეცა სიცხესა თუ წვიმაში თავი შეგვეფარებინა ღარბაში და დავლოდებოდით ავტობუსს. მაგრამ 6 სექტემბრიდან რაიონის სანებილსადგურმა კვლავ და-

ვინ აქცევს ყურადღებას ამ მეტად მტკიცედ საკითხს, რას გვერჩიან მგზავრებს ან ბაზარში პროდუქტების გამყიდველებს? ბუნებრივია, ყველას სჭირდება ტულეტის და რატომ არ მოხდის აზრად კომუნალური მეურნეობის ხელმძღვანელებს ამ ტერიტორიაზე ჰქონდეთ საერთო სარგებლობის ტულეტის თუნდაც ფასიანი, ამაზე უარს არავენ იტყვის, პირიქით—ყველა მივესალმებით. ამ წერილს ვწერთ მგზავრები სურათების გაღერების წინ, სადაც განუკითხავად ვყრივართ წვიმაში ბავშვებით, ვფიქრობთ, ღარბაში დალუქვა იოლია, მაგრამ საჭიროა შემდეგ მიაციოს ვინმემ ყურადღება არსებული მდგომარეობის გამოსწორებას. სამარცხვინოა ის ფაქტი, რომ მოღარე სადგურის წინ ქოლგაგადაფარებული ყიდის ბილეთებს.

ჩვენი აზრით, სანებილსადგურს უნდა დაეღუპა არა მარტო ავტოსადგური, არამედ ბაზარიც, როცა ბაზარი დაიკეტებოდა, შეიძლება შემდეგ მაინც მიეცია ვინმეს ყურადღება და ეზრუნა სამარცხვინო ფაქტის გამოსწორებისათვის. რომ ვიკითხოთ, თუ ვინ უნდა იზრუნოს ავტოსადგურის კეთილმოწყობისათვის, გვითხრეს, ეს სადგური ეკუთვნის ქუთაისის საკანძო სადგურსო. საინტერესოა, ამ საკანძო სადგურის ხელმძღვანელობამ თუ იცის ცაგერის ავტოსადგურში არსებული მდგომარეობა? ისიც გვტყენს გულს, რომ სადგურის წინ არსებული ხეების ძირში ვერ გაჩერდებით, პირუტყვის ნაკელით არის სავსე. ხელბარგი ძირს ვერ დავიდგამს. სანამ გაგრძელდება ასე?

მოვითხოვთ, რაისაბჭოს აღმასკომში, მისმა შესაბამისმა განყოფილებამ მიიღოს სასწრაფო ზომები ქალაქის ავტოსადგურისა და მისი შემოგარენის წესრიგში მოყვანისათვის.

ნატო კოხრაიძე,
მთარ ცხველიანი,
ნატო ჩიქოვანი,
სულ წერილს ხელს აწერს 15
მოქალაქე.

გზა გაიხსნა რეზერვებს

(დასასრული).
ახლებურ შრომას კარგად აუღეს ალღო საწარმოს მოწინავე მშრომლებმა, მექანიზატორებმა მიშა და დავით ფოჩხიძეებმა, ჯაბო დავითილიანმა, რუბენ გოგაძემ, გივი გასვიანმა, სარემონტო სახელოსნოს მუშებმა სერგო ყურაშვილმა, უმაღლესი სასწავლებლის დაუსწრებელი განყოფილების სტუდენტებმა გიორგი სილაგაძემ, ტარიელ სალიანძემ, მძღოლმა ლერი იმნაძემ, ინჟინერმა გრიშა სვანიძემ და სხვებმა, რომელთა ბეჭითმა შრომამ განაპირობა საერთო წარმატება.
მოგვეცა საშუალება ჩვენ თვითონ, ჩვენი მხედველობით მიზნობრივად და გონივრულად გამოვიყენოთ მატერიალური წახალისების ფორმები. ახლებურად შრომამ საგრძნობლად გაზარდა შრომის სახალაური. მუშის საშუალო ხელფასი 270-300 მანეთამდე გაიზარდა, ხოლო ცალკეულ მუშაკებს ორჯერ და მეტი ანაზღაურება აქვთ. ასე მაგალითად, მექანიზატორ ჯაბო დავითილიანის საშუალო თვიური ანაზღაურება 700 მანეთს შეადგენს, ხოლო მძებ მიშა და დავით ფოჩხიძეები შესაბამისად თვეში 550-600 მანეთს ღებულობენ. გარდა ამისა საწარმოს მუშები ყოველ კვარტალში იღებენ პრემიას, იღე-

ბენ ასევე მე-13 ხელფასს, პრემიას—მასალების ეკონომიაზე, კლასის წანამატზე და პრემიას სტაჟისათვის.
რაიონში კოლმეურნეობების გლეხურ მეურნეობაზე გადასვლის გადამწყვეტი ეტაპია. ყველას აფიქრებს თუ როგორ იქნება მიწის დახვნის, ტექნიკით დამუშავების საქმე, ის რომ სოფლად მცხოვრებ მიწის პატრონს, გლეხს თუ მოსამსახურეს მიწის დამუშავების არავითარი ტექნიკური საშუალება არა აქვს, მუშა გააწევი ძალა კი აქა-იქ, თითქმის ჩამოსათვლელია. ზენა-თესვის შეუფერხებლად ჩასატარებლად, აუცილებელია შევქმნათ მექანიზებული რაზმები, რომლებიც არა მარტო ტრაქტორებითა და ავტომანქანებით, არამედ მცირე მექანიზმებით, „კროტის“ მარცის სათონი აგრეგატებითაც შეიძლება დროულად დაკომპლექტეს და მოემსახუროს მიწათმოქმედებს.
უკვე გავაფორმეთ ასევე ხელშეკრულება რაიონში მოქმედ სამეწელო ორგანიზაციებთან, საგზაო სამმართველოსთან და ჩვენს ხელთ არსებული მ ბულდოზერი-თა და 5 ექსკავატორით მათთან ჩავატარებთ მიწისმთხრელ სამუშაოებს.
საქმისადმი ასეთი მიდგომით გვწამს, რომ მომავალში უკეთეს წარმატებებს მივაღწევთ.

ლენინის მემორიუმის, ტრადიციები

მარა

გამოსაწვავი ჭურჭლის ჭურჭლი შეწყობისას იცავდნენ თანმიმდევრობას. პირველ რიგში შედგამდნენ ჭურჭლებს. ერთ შედგამზე 12 ცალი ჭური ეტეოდა. ამ ჭურებს ერთმეორისაგან კეტავდნენ გატეხილი გამომწვარი ჭურის თავებით, რომ მუცლები არ მიღებოდა ერთმეორეს. ჭურებს შალა დაწყობდნენ ქვევრს. რამდენიმე ცალს, შემდეგ დანარჩენ ჭურჭლებს: დოვას, ჩაუს, ხალას, ნიტრას, გულბანადის, რომ შეივსებოდა ჭურა, დიდ კარებს ქვით ამოაშენებდნენ, რომელსაც ორ პატარა კარს დაუტოვებდნენ შესის შესაზრავად. ბითამდ რომ ამოაშენებდნენ, არ იყო სწორი, გამოწვას იწყებდნენ ფუტურის კვამლის ხრჩოლით. ხუთი დღის განმავლობაში უჩერებოდნენ ფუტურის და თანდათანობით უმატებდნენ ცეცხლს, ამის შემდეგ შეუნივრდნენ შეშას. სამი დღის მანძილზე შეშის ცეცხლი ენთო. ნაკვერჩხალი ჭურის დიდი კარებიდან უკანა კარებამდე უნდა გასულიყო. რამდენიმე სანტიმეტრზე, რომ გავიდოდა, ჭურის გამომწვავი იტყოდა „ჩემმა ჭურამ გოუწია ცეცხლით ბოლომდის“ (ანზორი კაბონსიძე).

ჭურა რომ გამოიწვებოდა, ოქროსფერად აზურდებოდა. გადღეულებული თიხის ჭურჭელი თუ კარგი გამომწვარი იყო, ჯერ წითელი იქნებოდა. შემდეგ კი შავი. ჭურა 3-4 დღეში გაცივდასასრული. დასაწყისი იხ. „ლენინი“ № 115

დებოდა. ჩამოშლიდნენ დიდ კარს. გამომწვარი ჩაწყობილი ჭურჭლის დარღვევას იწყებდა ნიტრიდან. ბოლოს გამოიტანდა ჭურს. კარგი გამომწვარი ჭურჭელი დანის გაკერისას ნაპერწკალს გაყრიდა, ისე როგორც კვესი, მაგრამ თუკი ჭურჭელს გამოწვა დააქლდებოდა დეიხუხებოდა, რაც ძალიან იშვიათად შეიძლება მომხდარიყო.

რამდენიმე სანტიმეტრზე გურგუსალებს. შემდეგ ჩამოიღებდნენ, დადგამდნენ ძირს, დაუდგამდნენ სამ ქვას. ქვა შიგ რომ არ შესულიყო, გაუკეთებდნენ ბინიებს, ბოკონებს. მერე ორ დღეში ერთხელ, ან სამ დღეში ერთხელ აქნიდნენ გურგუსალებს (დღეში ორ გურგუსალებს) თან აყოლებდნენ ბინიებს, „რომ არ წაქცეულიყო, იმიტომ აყო-

საირმის კლდეთა „საიდუმლოება“

პური

ჭურჭლის მიწას ყოველ მოზელაზე უმატებდნენ მსხვილ ქვიშას (მსხვილ ქვიშას შოლოდ ჭურჭლის დასამზადებლად ხმარობდნენ). აყალი მიწას და რიონის სილას ერთმანეთში აურევდნენ და ფეხით ზელდნენ, რთვა კარგად დაიწყებოდა მიწა ჭადებოდა აქრიდნენ, ნედლად შეინახავდნენ მოღობილში. თავზე აწვლის, გვირის ან კვანის ფოთოლს დადებდნენ სინესტის შესანახად.

კალაპოტად აქრილ თიხას მუჭით გაასწორებდნენ. ხელით გააყუებდნენ მუჭურის, გადაიტანდნენ მურგზე, ატრიალებდნენ და თანდათან უმატებდნენ მიწას. როდესაც ჭური გაკეთდებოდა, მურგვიანად გადმოიღებდნენ და გადატრიალებული სკამის ფეხებში მოათავსებდნენ, ანდა ბირკებს შეუდგამდნენ. მოაქნიდნენ

ლებდნენ ბინიებს (ანზორი კაბონსიძე). ბინიებს უტევდნენ თიხისფერად ყვარის ქერქს-ნაქრებს. შემდეგ ნაწილს ამაღლებდნენ, დააცილდნენ გახმობას. გამომწვარი დაპატარავდებოდა, ისევ მიუმატებდნენ გურგუსალებს. 10 დღეში 10 დორიანი ჭური კეთდებოდა. მოთავებამდე უმატებდნენ „ჭური შეყვლილი მაქვსო“ (ანზორი კაბონსიძე). დამთავრებულს ჩააბამდნენ ყელს-შეყვავდნენ. შემდეგ ჩააბამდნენ თავს „გვარამდის რომ შეხვიდოდა, დოტოვებდი გამოსავალს წყლისათვის“ (ვლადიმერ ყანტიძე). გურგუსალების მოქნის შემდეგ ჭურს შიგნიდან და გარეთ ხელით გამოხეულდნენ. შემდეგ ხის, საფარცხლით გაალამაზებდნენ. ქვა რომ არ გაყოლოდა, საფარცხლით გებულობდნენ. ქვა რომ შეყვას, გამოწვისას გამოვარდებოდა და გაიხვრიტებოდა ის ადგილი. ჭურის ზედაპირს მურგზე დანა-ჩხირით ასუფთავებდნენ. დამთავრებულ ჭურს თავს სოკელი ნაჭრით ულამაზებდნენ. ჭურის გვარას სატკეპით მოასწორებდნენ. ზედა ზოლისებრ ნაწილს გამოიყვანდნენ და ამით დამთავრებდნენ ჭურების ყელს და ნაპირებს, რომ არ შემხმარიყო, კვანის ფოთოლს დაფარებდნენ.

„გამომწვარი მიწის ჭურჭელს ნიაფი რომ დაკვროდა, დეიტხებოდა“ (დონია ხუციძე ჭურს ფეხზე იჭამდე გააჩერებდნენ, სანამ ფრჩხილი აღარ ჩაერჭობოდა, შემდეგ დააწვენდნენ. თენახებდნენ, ან ორი თვის შემდეგ ჭური უკვე ვარგისი იყო

გამოსაწვავად. მეჭურჭლე იტყოდა „ჩემი ჭურა არის შესადგმელი“ (ანზორი კაბონსიძე).

გამზადებული ჭურჭლის გადასატანად ხმარობდნენ ჩელტებდაწყობილ მარხებს. „ამას რომ მოითმენდა ჭური, მერე ვარგოდა გამოსაწვავად“. ჭურს რამდენიმე კაცი ღებდა ჭურაში.

საირმეში ერთმანეთისაგან ანსხვავებდნენ ჭურსა და ქვევრს. „ჭური დიდი ღვინის ჩასასხმელი ჭურჭელია, ქვევრი სამ ღვინის ღვინის ჩასასხმელი პატარა ჭურჭელი“ (კოლია კაბონსიძე).

თონა

გადახედილ აყალი მიწას და სილას დაახვევენ გურგუსალებად. ამ გურგუსალებს შემოაგებენ წრეხაზე ერთ რიგად გურგუსალებს, გაათხელებენ, გასწორებენ სველი ხელებით და ხის საფარცხლით, რომ გამოხმება პირველი წრეხაში, შემდეგ მეორედ შემოაგებენ ასე, სანამ არ დამთავრებენ თონეს ამიტომ თონე ერთდროულად რამდენიმე კეთდება. თონის გაკეთებისას მურგვი არ გვეხებოდა, ის უძირა. დამთავრებულ თონეს ჩავაცემენტებთ იმ სათავსოში, სადაც ვხმარობთ და იქვე გამოვწვავთ ფიჩხის ცეცხლით.

მეთონე ერთადერთი ხელოსანია, რომელმაც დღემდე მოიტანა თავისი ოსტატობა და საირმელი თიხის მაღლი. დღესაც საჭირა და გამოსადეგი მისი ნახევარია.

დიდი იყო საირმელი კაცის ფანტაზია. მის ხელში თიხა ლითონსაც ცვლიდა და ხესაც. თიხა ემორჩილებოდა ადამიანის ნებას და ხელებს, იღრიებოდა და სხვადასხვა ნივთად გარდაიქმნებოდა.

დასანახია, რომ საირმელ მეჭურჭლეთა მაღლიანი ხელობა თანამედროვე დავიწყებას ეძლევა. თითზე ჩამოსათვლელი ოსტატები ამას ვერ უშველიან. ახალგაზრდები კი გაურბიან ამ დალოცვილ საქმეს, იქნებ ეზრუნა ვინმეს ხელი შეეწყო შემორჩენილი ხელოსნებისათვის და მიმქრალი საქმე ისევ აეღოძინებინათ, ამით შეიძლება ახალგაზრდობა დამაგრებულიყო ადგილზე და მამა-პაპურ საირმელ ჭურჭელსაც კვლავ დაბრუნებოდა ძველი დიდება.

ნ. შედია

საქართველოში ეროვნული მიზნებისათვის საოცარი სათბურები

სამართლმცოდნე კ. ამირეჯიბის სახელობის სოფლის მეურნეობის მექანიზაციისა და ელექტროფიკაციის სამეცნიერო-კვლევითი ინსტიტუტის მეცნიერების მიერ შემუშავებული სათბურის ორიგინალური ვარიანტი მთლიანად გამორიცხავს პამიდორის ჩითილის მოყვანის მიმე ხელის შრომას.

სათბურში დაყენებულ რელსებზე წელა მოძრაობს თერამეტრიანი ხილური შასი. მასზე დაკიდებულ აგრეგატებს შეაქვთ ორგანული და მინერალური სასუქები, ხოლო საწინააღმდეგო მიმართულებით მუშაობისას გამოცვლილი მოწყობილობით ეწევიან თესვასა და რწყვას. საჭირა აღინიშნოს, რომ ამ ტექნიკას სულ ორი ოპერატორი მართავს.

ამ სიახლის ეფექტიანობა პრაქტიკულად პირველმა მოსავალმა დაადასტურა. თუ ჩვეულებრივ სათბურებში ერთ ციკლში საშუალოდ 350 ათას პამიდორის ამონაზარდს იღებენ, ახალი აგრომატიზებულით, ამავე ფართობზე ორჯერ მეტი მოჰყავთ. და ამასთან პროდუქციის თვითღირებულება მნიშვნელოვნად მცირდება.

საჭირო მოწყობილობის გამოშვებას შეუდგება საქართველოს სოფლის მეურნეობის მექანიზაციისა და ელექტროფიკაციის სამეცნიერო-კვლევითი ინსტიტუტის საქსპერამენტო ქარხანა.

(საქინფორმი).

რედაქტორი

ნ. ნემსაძე.

ცაგერის საშუალო სკოლის კოლექტივი თანაუგრძნობს შოთა ჯაფარიძის დეიდის ნინა სალინაძის გარდაცვალების გამო.

ბენია, ვანო, კაკო, ფარსადან, საშა სალინაძეები, შოთა ლეთოლიანი ოჯახებით იუწყებიან ნინა ათანასეს ასული სალინაძის გარდაცვალებას და თანაუგრძნობენ განსვენებულის ოჯახს.

ქალაქის ბიბლიოთეკების თანამშრომლები თანაუგრძნობენ ნაწული და გვიგინა ჩარკვიანებს დისა და ცოლის დის ნინა სალინაძის გარდაცვალების გამო.

შვილი ჯამბული, რძალი ლამარა ჭაბუკიანი, შვილიშვილები ნინო, ალექსანდრე, გიორგი, შალვა ასათიანები იუწყებიან, რომ გარდაიცვალა

პისტი ისიდორეს ასული ბოდუკია-ასათიანი დაკრძალვა 29 სექტემბერს, შაბათს, სოფ. ბარდნალაში.

ლაქანის საუბნო საავადმყოფოს თანამშრომლები თანაუგრძნობენ გულიყო გიორგობიანს დედის სონა მიქაძის გარდაცვალების გამო.

შოთა, რეზო კოპალიანები, ზურაბ სილაგაძე ოჯახებით იუწყებიან, რომ გარდაიცვალა ნინა სალინაძე და თანაუგრძნობენ განსვენებულის ოჯახს

ღვინის საშუალო სკოლის პედაგოგიური კოლექტივი თანაუგრძნობს დედას ხეცურიანს ძმის ისაია ჯაქარიას ძე ხეცურიანის გარდაცვალების გამო.

ლუხვანოს სასოფლო საბჭოს აღმასკომის თანამშრომლები თანაუგრძნობენ ნელი, შოთა ჯაფარიძეებს დეიდის ნინა სალინაძის გარდაცვალების გამო.

დომნა, გულადი, რური ხეცურიანები, ანზორ ლეთოლიანი ოჯახებით იუწყებიან ნინა ათანასეს ასული სალინაძის გარდაცვალებას.